

Ta na sca cuento, sca cuento nu  
ñi'on ya to'o s'ni xa nu tca mtyisna  
jita ne' nscua'



Culo nu mtyisna jita nscua' con'  
ntijin tsa'a ya' tsu'hue nxo' tia si'ya  
na ja ntsu'hui cuiya' xa con' Ja sca  
'ni nu nda cha' nsin' ti' 'in ne' nso  
tia. Con' cha' tsu'hue tsa'a nxo' ne'  
tia.





Lo' cui' ñi'on hua ñi ntsu'hui  
nu ti'i nu ja ntia jion. Lo' ntyi'on  
lcun' se'en nu hua' mso ne' tia. Lcun'  
nchcui' ne' lo'o nu ntyi'o ntyi'on xo'  
tia lo qui'ya se'en hua' mso na.

Lo' ja ntiji 'a na 'in s'ni si'ya na  
tsu'hue tsa'a nxo' ne' 'in na. Lo' no'on  
ti ja ntiji 'a na 'in. Xa con' ya se'en  
ntucua Ndiose lo' juin 'in ñi:

--Bare' ntyi'on ba lcun' lo'  
ja ntiji 'a na 'in ba si'ya na tsu'hue  
tsa'a nxo' ne' tia.


Juin ñi 'in xa con'


--¿Ta cua ca ñi?

Juin ñi 'in xa con'

--Con lo'om tsa co' quii 'ñó.

Lo ngulo ñi tño 'in ne' si'ya na  
si'yu slo' na chcua tso'





Lo' xa con' juin ñi 'in ne'  
--Tia yaa' 'ñó.

Con' mda yaa' 'in ñi xa con' lo'  
msuhue' ñi ti cui' ston' Lo' ta nu  
mto'o ston' con' msu'hua ñi 'in na ni'  
quii con' xa con'

Lo' mtucun ñi chcua tso' to co' na  
xa con' Xa hua' mda ñi na 'in juin ñi  
xa con'

--Yaum ñi --juin ñi-- Xa tiaum  
tu'hua jion 'in nu nso tia con', xa con'  
slaum to co' quii re lo' cula' su'huau  
'in na nde se'en ntsu'hui nu nso tia con'


Ngua ñi'on ngu'ni ne' con' xa con'  
Ngula' su'huau ne' quii con' nde se'en  
ntsu'hui nu nso tia. Lo' to co' quii  
con' con' mto'o cuiya' xa con'





Ndla ndza nso ne' tia con' xa con'  
Cua ñi'on ti cua ñi'on ti s'ni. Lie  
tsa'a mxno tucui tia xa con'.

Lo' xa con' jiten nu con' mxo' tia  
nchca tia nu nguinu tucui con' xa con'  
Jui na 'in xa con' si'ya cuiya' con'  
mtyisna ngu'ni li'o 'in 'in nu nso tia  
con'



Tsa cua ti ñi'on nu jitso cuiya'  
si'ya na nten nu ja ntia jion mtyi'on  
xo' ne' tia lo qui'ya.

Tsa con' ti ya tyi cuento 'in nu  
cuiya' lo'o ne' nu ntyi'on xo' tia.